

中華民國二十五年十二月

陝縣志

歐陽玆署



陝縣志

序

余少治兵家言尤喜考求地理之學所謂辨區域徵因革知要害察風土匪獨研鑽郡縣之志書而舟車所至亦必覽其城郭關津與夫山川險要默識一攻守之境於胸中抑豈性近使然歟曾不自意也在昔從軍入秦道經陝州南面乾山北臨大河東有穀陵之險西有函谷之固秦晉七十年之戰爭於是乎著頗嘆晉之所以西向制秦而扼其咽喉者亦憑恃先有此天險耳其後治軍山西每過茅津輒低回留連於砥柱濤聲硤石鳥道猶然不勝其思古之情蓋驗諸曩時芴然依違乎紙上者益覺親切而有味焉近者十年兼綜省政稽事考俗鑒往知來更有資乎賅洽精確之方志故於網羅放失及時纂輯之舉尤惓惓視爲要途綏遠初未有志附屬晉志之中創修之而未逮晉志之續修嘗躬與發其凡矣而冀豫二志且幸得觀其厥成此差可慰情者也夫甄綜排比省志粗具崖略而已求其淹貫精詳尤在各縣之志亦體例然也是以纂修省志必徵集郡縣之志而纂修一統志必徵集省郡縣志蓋其爲書展轉因襲加以剪削而後成試一按其蒐討點竄之迹不難得其根抵矣是故各縣之能及時修其志書固爲余中心所相望者也陝縣志之

陝縣志

序

待修已歷四十餘年矣運會推移變更較前代爲鉅其證今訂古有待夫商榷權度者亦衆盛矣乃能於十一月中重修葺事得不謂之勇猛精進乎哉余雖未獲見其原稿而讀其凡例固已刪汰舊文別增新事是能隨時代爲進化者實已有愜於余懷至其紀事核實纂言會精大抵可揣而知也嘗謂方志一書吾國信爲特出舉凡體國經野正名辨物考俗施治彰淑懲慝莫不燦然具陳其於國計民生政治教化人心風俗繼往開來所關者至大而敘述山川城郭關津要害險阻形勝供兵家之考鏡者不過其一端也憶先太僕序萬歷會稽志有曰一國者一邑之積也知所以治一邑則知所以治一國矣又曰志者政之紀也教之軌也審於斯二者則於治幾矣陝縣在清代爲直隸州轄有三縣今制爲縣由十一區行政督察專員領之都昌歐陽君蒞事三載人和政通百廢俱舉所屬六縣承流宣化類能有所振作亦可謂知所以治一邑而治一區矣今於親民察吏之餘獨具遠識瞭然於政紀教軌之所在而於所領之縣首開館修其志書且熱忱毅力早日報成一湔往時綿亘歲月坐糜膏火之弊於以見其監修之名非徒擁也書將付梓乞序於余余嘉其有合於先太僕之言略述治兵從政之有資乎方志者如此庶幾其他各縣尊重斯事繼陝縣之後而有所興起云中華民國廿有五年十月十日紹興商震序

陝縣志

序

縣志所以備國史取材周官外史氏掌四方之志孔子作春秋觀于百國寶書由來綦重矣故法貴謹嚴詞尚雅馴柳子曰參之太史以著其潔章氏曰志者志也其事其文之外蓋有義焉近世作者衆矣率多簡陋相沿難垂典則而繁猥龐雜或不能無譏焉則不諳史法之故也往者余主河南省政檢閱通志則猶清乾隆時書也而各縣百餘年來文獻之徵亦缺焉未備于是籌設通志館于開封復依部頒章則訂定各縣修志概要通飭遵行蓋所以繼述前修昭示來茲也今歲丙子陝縣志成專員歐陽君珍請余爲之序考陝縣舊爲周召分治之所據關河之肘腋扼秦豫之襟要崤函之固號爲天險所謂秦得百二者也春秋晉敗秦師與漢唐以來攻守戰伐之跡往往在焉大抵由秦隴以出關東與自中原以進三秦皆以崤函爲咽喉之地先至者勝後至者敗不能易也故歷代皆擇博大通方威信幹濟之才以鎮撫其地若唐之李泌崔鄴宋之寇準范祖禹其尤著者也陝舊爲州靈寶閿鄉盧氏之縣屬焉民國肇建始改爲縣斯志改縣後創作也余未覽其全書未知其於古之史法何如然觀其志例大體依修志概要歐陽專員通瞻明達治理吾

陝縣志

序一

知其亦必能斟酌今古柳子所謂參之太史章氏所謂文外之義者將于是乎在後之來者不必旁詢博訪一展卷舉凡政教風俗農田水利設施之宜因革法戒之要莫不條分理晰其爲利豈淺渺哉余嘗巡視至縣覽其山川形勢之勝三門疏鑿之跡慨然想夫古今治亂之機與化俗宜民之道時進長而切究之今者輪軌橫度災患頻仍崤函之險要盡失民生之凋殘殊甚撫斯土者將如何生息教訓振興民氣繕完守備整頓國防以爲國家屏藩之寄乎周召之治遠矣而唐宋以來如李崔寇范之休烈咸具于篇蓋班班也是又余之所厚望也已中華民國二十五年十月吉安劉峙序

陝縣志

序

昔夏禹鑄九鼎誌各州之方物周禮夏官有職方氏實爲後世郡邑志乘之濫觴其所以正疆域明山川識古今之盛衰觀人文之隆替以爲興革損益之措施而備國史之取材誠一方之文獻綦關重要者也宋儒朱攷亭每到官必以修志爲先蓋彰往勵來正人心以正風俗攷古鑑今俾取法改善有所張本豈特發揚盛事而已哉陝爲召南舊治宏農古郡化行俗美人文蔚興而邑之有志則始于明季廢清之代數經修輯順治十五年州守吳世英從郡志內薈萃成編略而不詳乾隆十二年州牧龔崧林編纂直隸州志轄縣統載堪爲鉅製光緒十六年知州趙希曾重加修纂南海黃璟踵成其事又增續志十卷自此而後垂四十年未再編修其間經政體之改革學校之設立與夫鐵軌之西駛兵戎之頻興差徭之繁重民生之艱困變遷多端在在胥有記載之必要以爲施政者正本清源因地制宜興利除弊之資其修志之急而且要非同以前之墨守成規無大更張可比矧值此國難嚴重時期啟迪民智訓練團結以捍禦外侮增加生產復興農村以充實國力張四維以培養道德勵節約以敦厚風俗尤非著爲箴規行之永久俾潛移默化一道

陝縣志

序二

同風不爲功且陝旣由州而縣其修志之體例又當別論較之以前繁而且難更無待言喻余于癸酉秋奉命兼攝縣篆下車後詢民生之疾苦見地方之凋弊時值災荒之餘悉呈紊亂之象披閱舊日之志乘訪覽召伯之遺蹟今非昔比良用黯然而于先軍事以奠安社會繼續建設以充裕民生謀文化之不振風俗之改良卽以興學勸教端正士習爲先務而後從事于編纂縣志先是地方已有縣志館之設多年編修因人材與經費種種關係未克蒞事余以軍務旁午之際地方無力籌款暫令停擱越兩稔乙亥秋復召集地方人士籌募款項重新設立縣志局委用張以謙麻安邦兩君主理局事聘請韓合卿王夢魚兩先生爲總副編輯分委各組主任及各區採訪着手纂修依照省通志館頒發志目草案新開體例語不泥舊事惟求實余復詳加審核正其疵謬凡十有一月而脫稿用付梓以公諸世於以覽古今之治亂得失風俗之醇厚澆漓表彰先賢以勵來者而爲興利除弊之資端本清源之施後之蒞斯土者振興而化導之庶幾召南遺風猶有再見是不能不厚望也已中華民國二十五年八月都昌歐陽珍識

陝縣志

序

陝縣故宏農郡魏太和間始置州元明隸河南府清雍正初始升爲直隸州轄靈閩盧三縣而陝之有志明以前無可考清順治十五年知州吳世英創修州志乾隆十二年知州龔崧林纂修直隸州志所轄三縣附焉同治間州牧周仁壽曾增輯之僅本軍興以後採訪忠義節烈諸士女爲一編光緒十六年州牧趙希曾纂修未及成而以憂去官繼任孔廣聰重加採輯成書十有五卷垂成又受代去繼任南海黃璟實踵成之黃牧又修續志十卷迄今四十餘年未再纂修民國二十四年夏紫亭歐陽專員蒞任兩載詰奸除暴地方救平復盡力於建設事業修建城南門外澗河橋梁人咸稱便當此承平無事之秋公遂倡議重新纂修縣志首由地方士紳組織縣志籌備委員會向各區及商會募捐洋壹萬元經三月之籌劃編輯及採訪人員均聘委齊全遂於斯年八月一日專員蒞任二週紀念且澗河橋落成典禮之正式成立縣志局開始採訪着手編纂安邦學識謏陋承歐公知遇之隆地方人士推戴之意忝膺局事惴惴有所不安顧開辦伊始一面由採訪員分途調查一面由各編輯着手整理其時總編輯韓君合卿兼任省國學專修館教授

陝縣志

序二

未克返局由副總編輯王夢魚偕主任郭雲樵辛君實負責編纂按照省通志館頒佈各縣志目草案斟酌損益另開體例整理舊志加以增刪依類列入越六月而韓總編輯實行任事共同工作凡十有一月而脫稿都爲二十六卷分爲二十二門用付剗劂以公諸世自維愚拙督理無方無以奏事半功倍之效幸荷歐公指示之勤與夫編輯諸君高明之助未至折足覆餗得免愆尤是所堪以告慰者也書旣成遂叙修志之巔末弁其端他若藻飾矜麗之辭以炫於人非惟不能爲且亦不敢爲也民國二十五年七月麻安邦序於陝縣縣志局

陝縣志

序

陝志自清光緒庚寅纂脩後迄今四十餘年其間政體改革甲子以還兵戎頻興地方多事災侵荐臻餓莩載道種種慘狀不有記載將湮沒無傳且舊志散佚每搜求一閱而亦不可得則疆界不分山川不明良吏之政績無考賢人之軼事失傳所以考古鏡今彰往勸來又將何以取資矧志爲一方之文獻其宜起而脩輯之凡屬地方人士均已早具同心矣惟是年來多故舉辦不易專員歐陽公於癸酉秋蒞任首先勘定積年不可遏之禍亂數月之間地方救平民斯安居繼則大事建設百廢俱舉利爲之興弊爲之除人民知有禮義之教士子得聞絃歌之聲安輯之餘卽倡議纂脩縣志當由全縣各區及商會籌募款洋萬元於乙亥八月設局編脩以謙學識之無才同伏獵謬承歐陽公委畀兼理局事中心惴惴頗不自安辭不獲命勉作馮婦幸荷歐陽公之指導及諸編纂之力助得以伴食中書坐觀厥成以向同地方人士屬望之意而今如願以償其爲幸也多矣安敢居毫末之勞乎丙子七月藁旣脫抱呈歐陽公審正越三月始付印遂以成書乃贅詞以弁其端用誌始末民國丙子十二月張以謙識

陝縣志

序四

—

陝縣志

序

陝志自清光緒十八年趙黃兩志修成後迄今四十餘年其間經政體之改革時勢之變遷人事之演進電光石火轉眼皆爲陳迹不有記載何以垂後而鏡遠乙亥夏紫亭歐陽專員蒞任兩載旣以軍事而安靖地方復以政治而化育黎庶百廢俱興絃歌遍誦始倡議纂修縣志委豐以編輯重任辭不獲命勉學製錦時閩邑韓君合卿斲輪老手任總編輯之責幸有所倚適留汴未返不得不轉喜爲憂盲人瞎馬縱深淵之不臨何正路之由得爰商承麻慰若張益齋兩局長計劃進行並偕邑名士郭雲樵辛君實着手纂編整理舊志割剔三屬加以增刪參考廿四史以記載大事以補充人物採取山海經水經注以明山川之位置與古蹟之眞實金石必經搨拓藝文必有著述至普通之碑碣短篇之詩文則分列於詩徵文徵之內人物列女生前不載蓋棺而後論定選舉科目斷自中等以上學校畢業其他民財建教實業交通本諸省通志館頒佈各縣志目草案分門羅列苟有可書不辭繁碎越六閱月而韓君返總理其成計成書二十六卷別爲八册凡十有一月而蕺事歐公復命豐詳加釐訂補闕拾遺多所更正抱呈審定用付棗梨以行諸世自

陝縣志

序五

維才短襪線用乏鉛刀謬承付託之重夙夜惕勵惟恐隕越幸荷歐公勤加指示局中同人共加研討因人成事何敢掩過以自炫乎第以時間未久詢訪難周滄海或竟遺珠掛一容許漏萬後之君子增益而修明之是所厚望也夫

民國二十五年暑月陝縣教育局長王樂豐序

陝縣志

叙

莊周曰飾小說以干縣令餘杭章炳麟以爲史之所記大者爲春秋細者爲小說管子曰春秋者所以記成敗也行者道民之利害也以其掌之行人故謂之行漢書藝文志所載周考周紀周說諸書皆輜軒之使采之郡國閭里而記之而青史子五十七篇本古史官記事書以其事叢瑣非王朝之要故劉班著錄不與國語同隸于春秋而列于小說家隋書經籍志小說家敍錄稱周官誦訓掌道方志以詔觀事道方憲以詔辟忌以知地俗職方氏掌道四方之政事與其上下之志誦四方之傳道而觀衣物唐書藝文志張華博物志十卷高彥休闕史盧子逸史各三卷宋史藝文志蒲仁裕蜀廣政雜記十五卷司馬光遊山行記十二卷虞荔古今鼎錄一卷蘇轍龍川志六卷李冰治水記一卷皆紀山川物產政俗金石之書而悉錄在小說家綜斯以觀知蒙叟所謂小說蓋行人職方之所掌此卽後世方志之類明其不同于春秋非傳會傳奇之小說也蓋殷周之際衆建諸侯以世其地王朝設史官以記成敗諸侯亦莫不有史官以記偏國行事故墨子得見百國春秋自秦漢而降變封建爲郡縣郡縣之有志猶侯國之有史其來尙矣而專載一類者有南

陝縣志

序六

一

方草木南州異物志以辨物產洛陽伽藍荆楚歲時記以道風俗陳留耆舊汝南先賢傳以紀人物元和郡縣元豐九域志以考地理合之以爲方志此不得以春秋國語比輓世休寧戴震論修志詳于地理沿革而不重文獻會稽章學誠非之以爲不解史法學誠作志書輒上擬遷固章炳麟非之以爲不知類然自學誠而方志之體始尊蓋學誠邃于史學生無纂史之機乃藉手方志以發揮其史才要之縣邑志乘固不能上比春秋然爲國史之要刪故爲方志者以明于史例爲貴陝縣地介穀函管轂秦豫北枕大河南障幹山宏農古郡山川之形勢如故甘棠舊治風俗之醇樸猶昔蓋中州名邦誠有足以記載者而舊日志書諸多散佚據朱士嘉方志綜錄所載凡五書皆清時纂修明以前無傳焉而陝縣現存者僅龔趙二志及黃璟續志間尙殘闕不完趙黃書成于光緒十八年去今數十年地方屢經劇烈之事變迄闕焉不載荀卿曰文久而滅節奏久而絕故五帝之外無傳人非無賢人也久故也五帝之中無傳政非無善政也久故也况一方文獻易于湮沒久闕無紀將有失徵之歎民國十七年余長縣教育局時曾擬續輯以困于資不果行越七年歐陽紫亭縣長蒞陝之二年令行禁止庶政咸舉卽商之地方耆艾籌資開館從事于此余以寡昧被任編纂幸同館有閩鄉韓君合卿邑人王君夢魚辛君君實張君益齋

分任其事相與研討蓋修志有二法一爲上下參校通體改纂一爲因仍前書按類續輯
二法相衡後難于前無如晚成之趙志體例尙雜譌舛數見又復次第倒置文欠雅馴同
人再四商榷不得不舍易從難自古代以逮爰茲重者刪之闕者補之正其體例整其次
弟凡十有一月蕙事爲門二十有二卷二十有六其每門考訂之失得編纂之義例則各
以小序述之蓋斯役之成比之前書微有討論修飾之功然限于時間仍不免舛略之弊
以俟後之踵其事者證補焉中華民國柔兆困敦之歲闕逢敦牂之月邑人郭樹勳

陝縣志

叙

孔子曰夏禮吾能言之杞不足徵也殷禮吾能言之宋不足徵也文獻不足故也陝自虢仲建國周召分治政教文化已見史策迄于明季二千七百餘年而州郡無志乘有清訖今近三百年歷修州志凡五種據朱士嘉方志綜錄此五種者海內外尚存藏二十五部而今次修志蒐輯舊本僅龔趙二種收藏者殊寥寥吳本自北平鈔回黃本殘闕周本已不復見板均毀則陝縣故籍之失存其數量幾於絕跡豈止文獻不足而已哉吁甚矣憊歐陽專員蒞任於陝民創痍之餘綏定社會撫輯羣黎百廢並舉之後復竟此興滅繼絕之功陝縣志由是出現於世前無古人後開來者其偉大爲何如其嘉惠于吾陝爲何如陝人士之慶幸更何如顧其體例各序已詳哉言之矣要之以文見義亦陝縣三千年得失之林也茲依事實之所詔示略述管見如左陝地理據穀函之固當秦豫之衝每中原有事首先被兵而匪虜歲荒亦相因而至人民之困蘇政教之良否端在官吏光武敕馮異曰元元塗炭無所依訴要在平定安集之耳又曰卿本能御吏念自修敕無爲郡縣所苦異所至布威信卒盡降弘農羣盜此種政治觀念夙爲吾陝民族所信仰而如李自成

陝縣志

序七

一

張獻忠之恐怖殺戮則深懼而痛絕民國以來昌言法治與自治矣然徒法不能以自行自治時有以自擾政治制度之確立法治習慣之養成許先有領袖官吏爲之表率詩曰樂只君子民之父母此澈底同胞互愛之遺言吾人不妨正式揭出爲吏治之箴以明職守而維法紀勞之來之匡之直之輔之翼之使自得之憂民之道也思患預防鞠躬盡瘁憂國之道也故常則如盧奐范祖禹變則如李彥仙史記言國之利民之福名宦之祀甘棠之詠寧有涯涘此第一意義也陝人文漢唐宋明清代有蔚起降及近世量似增而質則銷沉推其原因多受環境支配蓋由於政治教育者半由於產業經濟者半事實如此無如何也然天下之善士一國之善士與一鄉之善士僅範圍大小之不同要其息息相關資爲成人有裨於國家社會也則一正如陽明喻金教人鎡之多寡雖殊要其成爲精金則一也姚文貞公尙矣功業如張九功趙完璧亦可忠烈如宋炎可崔儒秀曹三祝辛鼎甲亦可學術如王以悟可兀煥勳張諧之甯元善亦可操行如張彖魏野可習潤張籌均無不可志士仁人孝子慈孫賢婦烈女志不絕書任俠好義亦時有總之不離乎成人爲善者近是故奔逸絕塵原爲吾人之所冀而徬徨歧途實爲學子之大禁必如何而使人人有士君子之行成爲美善相樂之社會此第二意義也陝面積七千二百四十方里

而十八萬八千有奇之衆民何自來乎阨於崇禎之饑闖賊之亂休養生息而後復經髮捻之亂光緒之饑子餘無幾之遺民遺族也時代演進矣據最近土地陳報瞬將實行之科則土田總額爲八十二萬一千五百畝歲納賦稅總額爲一十九萬二千七百元以每方里二十六人之密度每口計田不足五畝每人平均須負一元以上之義務陝民得於天者不厚故步日絀風俗日偷生計日艱消費日增微論匪劫歲歉產量銳減而際此外患侵略國難未已吾陝爲國家之一員食毛踐土國民應負國防之責任義又無所逃避則凡所以利用科學方法謀農業生產之改進充實自衛以自力更生者烏可不亟亟耶太史公云此豈待政教徵發期會哉此第三意義也維此三義用結三言道之以政厚之以生豫之以學而已矣抑吾陝學風鄉先輩大抵尙理學重實踐或宗陸王或崇程朱而尊孔孟事修養也則同樸學少有問津者甚且排拒之次則務制藝爲文章此外不復知有所謂學科舉廢學校興遊學者少一二卓然有成率從政他邦地方學子莘莘時感新舊過渡青黃不接之苦悶夫學術思想之蔽於見聞如此經濟業力之薄於應給又如彼其所孕育蓋可知矣司政教者當努力解放與改造不惟國學應具常識卽科學思想與技術尤宜爲大量之輸入與學習知識程度始有展望此又應有之一義也華末學無似

陝縣志

序七

二

凡所以爲此詹詹之言邦之人士多有同感不揣冒昧藉縣志之成擇要敘出庶於書中所謂得失者比較有一概念以便商兌而資警惕焉十載而還陝迭遭喪亂救死不贍遑論其他幸蒙歐專員勵精圖治三年政教建設之偉績直邁前二世紀此非諛言也事實使人昭昭也而今後施政方針更向上所述諸意義者突飛而猛進陝民族復興之機繫於此矣猶復創爲志乘文獻永垂使人昭昭於不敝記曰爲政在人語曰人能弘道余希歐公新政之日進不已而有以繼其後也故述往事思來者民國二十五年除夕辛炳華敘于開封

陝縣志

籌備委員會職員表


| 職別 | 姓名 | 別號 | 年齡 | 籍貫 | 簡歷 | 備考 |
|------|-----|----|----|------|--|----|
| 主任委員 | 歐陽珍 | 紫亭 | 四四 | 江西都昌 | 保定軍官學校二期畢業現任河南第十一區行政督察專長 | |
| 委員 | 袁亞甫 | 亞甫 | 四一 | 江西分宜 | 北京大學法科畢業現任河南第十一區行政督察專員公署秘書 | |
| 委員 | 王樂豐 | 夢魚 | 三九 | 河南陝縣 | 河南省立第三師範畢業曾任縣視學師範校長財務委員會委員長現任陝縣教育局長 | |
| 委員 | 張以謙 | 益齋 | 四一 | 陝縣 | 陝縣師範講習所畢業曾任陝縣教育局文牘教育收款處主任現任陝縣財務委員會委員長 | |
| 委員 | 曲完善 | 性初 | 三一 | 陝縣 | 曾任陝縣縣黨部常務委員振務分會主席財務委員會委員長民衆教育館館長現任陝縣商會主席 | |
| 委員 | 盛際孝 | 悌先 | 二八 | 陝縣 | 公署參事立第九區學保費守核長委員會計員 | |
| 委員 | 麻安邦 | 慰若 | 四一 | 江西吉安 | 江西區行政督察專員公署第二科科長現任陝縣縣長 | |
| 委員 | 張克功 | 懋生 | 三三 | 河南陝縣 | 河南現任陝縣第九區政學院院長及河南第十一區區行政督察專員 | |
| 委員 | 李寶豐 | 建三 | 三三 | 陝縣 | 陝縣第一區區政學區研究會會長及河南第十一區區行政督察專員 | |

陝縣志

職員表

| | | | | | | |
|-----|-----|----|----|------|---------------------------------|--|
| 委員 | 田雨公 | 潤青 | 三三 | 陝縣 | 河南省附設第九區政學區研究會會長及河南第十一區區行政督察專員 | |
| 委員 | 張銘 | 祖渠 | 二九 | 江蘇無錫 | 上海法學院政治經濟學士現任河南十一區行政督察專員公署第四科科長 | |
| 委員 | 蘇樹棠 | 東初 | 三五 | 陝縣 | 曾任第四區區長及陝縣清鄉局副主任棉業公會主席 | |
| 委員 | 張守梅 | 子和 | 五一 | 陝縣 | 曾任陝縣救濟院副院長現任倉儲委員會委員長 | |
| 委員 | 張鶴 | 錫九 | 三七 | 陝縣 | 曾任陝縣財務局局長民生工廠廠長陝縣救濟院院長 | |
| 委員 | 王雲亭 | 雲亭 | 五五 | 陝縣 | 前清附生曾任陝縣商會主席及河南第十一區行政督察專員公署參事 | |
| 委員 | 段篤仁 | 靜佛 | 三四 | 陝縣 | 曾任陝縣自治籌備處副主任及陝縣第四區區長 | |
| 委員 | 韓錫泮 | 魯存 | 三二 | 陝縣 | 陝縣高等小學畢業曾任第七區區長及第一區區長 | |
| 委員 | 張世傑 | 俊夫 | 三五 | 陝縣 | 河南省立師範畢業曾任陝縣財務局長及第一區區長第五區區長 | |
| 委員 | 李雪峯 | 瑞亭 | 三三 | 靈寶 | 軍官教育團畢業曾任陝縣第八區區長 | |
| 事務員 | 孫岐 | 岐山 | 二九 | 陝縣 | 曾任陝靈閣征收總局書記陝縣教育會辦事員陝縣財務委員會幹事 | |

陝西縣志籌備委員會暨縣志局全體職員合影 二十五年七月九日



25年7月9日

25年7月9日

專城出重 分陟出雄 亦既利物
内存匪躬 斯為國寔 不墜家風

題富奧歷事贊籍誌

歐陽專員政績

辛炳華題

陝縣志

縣志局職員表

| 職別 | 姓名 | 別號 | 年齡 | 籍貫 | 簡 | 歷 | 備 | 考 |
|------------|-----|----|----|------|---------------------------------------|---|---|---|
| 總編修 | 歐陽珍 | 紫亭 | 四四 | 江西都昌 | 保定軍官學校二期畢業現任河南第十一區行政督察委員 | | | |
| 局長 | 張以謙 | 益齋 | 四一 | 陝縣 | 陝西師範講習所畢業主任現任戶陝捐局財文務陝西縣教委會委員 | | | |
| 副局長 | 麻安邦 | 慰若 | 四一 | 江西吉安 | 陝西行政督察專員學校法律本科畢業現任陝西縣第十 | | | |
| 總編輯 | 韓嘉會 | 合卿 | 六三 | 閩鄉 | 前清丁酉科拔貢河南第一屆省議會議員歷任閩鄉勸學所長財務局長 | | | |
| 副總編輯兼第一組主任 | 王樂豐 | 夢魚 | 三九 | 陝縣 | 河南省立第三師範學校畢業現任本縣縣視學局 | | | |
| 第二組主任 | 郭樹樸 | 雲樵 | 四二 | 陝縣 | 省立第四師範畢業曾任陝西師範教員教育局長 | | | |
| 第三組主任 | 辛炳華 | 君實 | 四 | 陝縣 | 省立舊制第九中學畢業曾任陝西自治籌備員縣小中學師範育英等校教員郁文學校校長 | | | |
| 名譽編輯 | 曲完善 | 性初 | 三一 | 陝縣 | 曾任陝西縣黨部常務委員振務分會主席財務委員會委員長民衆教育館長現任商會主席 | | | |
| 名譽編輯 | 史協邦 | 和民 | 六 | 陝縣 | 前縣志館館長 | | | |

陝縣志

職員表

一一

| 探訪員 | 楊如梓 | 楊耀坤 | 兀端甫 | 陳明理 | 李中堂 | 李景白 | 薛含英 | 白應午 | 王炳耀 | 姚樹智 | 張均 | 孫虞臣 |
|-----|-----|--------------------------|-----|--------------------|--------------|-------------------|----------------------|-------------------|--------------------|----------------------|----------------|-------------------------|
| | 元甫 | 用之 | 子哲 | 蓮青 | 季芳 | 中甫 | 文軒 | 子哲 | 子高 | 子高 | 子高 | 子高 |
| | 四八 | 五九 | 三五 | 四五 | 四二 | 五八 | 七 | 二九 | 五九 | 二九 | 五九 | 三六 |
| | 陝縣 | 陝縣 | 陝縣 | 陝縣 | 陝縣 | 陝縣 | 陝縣 | 陝縣 | 陝縣 | 陝縣 | 陝縣 | 陝縣 |
| | 清附生 | 河南法政專門學校畢業曾任充縣官產財處駐辦事務主任 | 清附生 | 曾任陝西縣黨部執行委員及三區教育委員 | 曾任陝西縣第四區教育委員 | 陝西師範學校畢業舊五區郁文學校校長 | 清附生初級師範畢業曾任勸學所長及中學教員 | 陝西師範講習所畢業曾任完全小學教員 | 清附生曾任第八區保衛團團長及區長等職 | 河南省立河南大學肄業現任陝西縣政府統計員 | 曾任本縣巡輯營長代理本縣縣長 | 河南省立第九中學畢業曾任太陽渡觀音堂釐金局局長 |

書記

王知卿

臨時書記

楊得兆

子楨

二四

陝縣

縣立師範畢業

趙昭儀

鳳軒

陝縣

縣立師範畢業

張炳照

陝縣中學畢業

楊文林

二一

陝縣

陝縣志

職員表

三

陝縣志

凡例

修志有兩法舊志之完善者因仍體例但纂續編較爲省事如近世江寧續志是也若全部改撰別出新裁其難不啻倍蓰查陝舊志有三吳志簡明龔志周詳而趙志不免複雜須加以整頓且國體既更專制時代之科條亦不合於世用故另起爐竈全行改編此次規定卷目大致依河南通志館所頒草案而特列大事紀於前提挈綱要末附文徵掌故叢載各門則取法章實齋余樾園諸人之議論而變通出之採本地之材料而配合以成篇

天文雖曠遠難稽而節氣晷度乃授時之要政况陝爲專員所駐各縣共向固不得而略也故次揭於端

輿地建置入手卽宜調查爲方志之通則故列於天文之次既有土地而所以居治之者全賴乎民人故族姓民政次之

何以聚人曰財近世講民生主義莫急於財用故次之以財政

民之利用在財而心理必有所祈嚮與培植之以成其才者故次之以祠祀教育

陝縣志

凡例

一

勸善之道備矣而民或不率與夫外患之來當有以禦之故次之以司法武備

現在五洲大同既不能閉關亦非服田便可自立故次之以交通實業

地方治否存乎官師陝於歷史爲宏農大郡蒞職者尤夥普通列以職官表其特著成績者則提入名宦爲之作傳褒其既往所以勵將來也

本地之賢俊登科目而入仕籍者概列於選舉表其有行誼可錄者則歸諸人物力求充實使爲善者勸焉

時值女校林立風氣開通茲編列女分節孝義烈賢淑三者所以維持舊禮教也

古蹟追討既往博徵載籍藝文專採著作爲文獻最重要者故次人物而及之

金石所以考古必擇其有價值者加評議焉

文徵詩徵皆取其辭雅馴與地方政治有關係者若徒矜麗藻雖美弗錄

已往之典章雖不適於時用而不可遺忘故特立掌故一門其他非關重要而難從割愛者則全收入叢載

以上分門別類粗具梗概而迫於時間限於方隅未能盡量搜括從長經營於心殊欠愜當終之以叙錄歷述前志源流及修志始末尙希 高明有道者正之

陝縣志

目錄

卷一 大事紀

卷二 天文

卷三 輿地

卷四 建置

卷五 民族

卷六 民政

卷七 財政

卷八 祠祀

卷九 教育

卷十 司法

卷十一 武備

卷十二 交通

附圖

附圖

附圖

附圖

陝縣志

目錄

卷十三 實業

卷十四 職官表

卷十五 名宦

卷十六 選舉表

卷十七 人物

卷十八 列女

卷十九 古蹟

卷二十 藝文

卷二十一 金石

卷二十二 文徵

卷二十三 詩徵

卷二十四 掌故

卷二十五 叢載

卷二十六 叙錄

附圖

附圖

陝縣志卷一

歐陽珍編次

大事記

接近世章實齋謂正史本紀效法春秋記載大事所以為全書之經歷來方志家狃於地理類書之例不措意於一地方之大事遂使全書記載散漫無所統系甚有乖於史裁茲仿其意採取歷代史鑑與陝有關係者及比年兵荒匪亂之實迹彙為一編而以後各目若網在綱於以考政治而察得失亦便於觀覽焉

夏禹導河東至於砥柱孔安國曰砥柱山名河水分流包山而過山見水中若柱然在西虢之界

周武王十有二年封虢仲於西虢封神農之後於焦地理志弘農陝縣有焦城故焦國也

成王時周公召公分陝而治陝以東周公治之陝以西召公治之

惠王四年春虢公鄭伯胥命於弭夏同伐王城鄭伯將王自圍門入虢叔自北門入殺

王子頹及五大夫五月鄭厲公卒王巡虢守虢公為王宮於垺虢地王與之酒泉周邑虢公請

器王與之爵酒器冬王歸自虢左傳莊公二十一年

十年晉侯將伐虢士蔦曰不可虢公驕若驟得勝於我必棄其民無眾而後伐之欲禦我

陝縣志

卷一

誰與夫禮樂慈愛戰所畜也夫民讓事樂和愛親哀喪而後可用也虢弗畜也極戰將饑

莊公二十七年

十五年秋七月有神降於莘惠王問諸內史過曰是何故也對曰國之將興明神降之監其德也將亡神又降之觀其惡也故有得神以興亦有以亡虞夏商周皆有之王曰若之何對曰以其物享焉其至之日亦其物也王從之內史過往聞虢請命反曰虢必亡矣虢而聽於神神居莘六月虢公使祝應宗區史龔享焉神賜之土田史龔曰虢其亡乎吾聞之國將興聽於民將亡聽於神神聰明正直而壹者也依人而行虢多涼德其何土之能

得莊公三十三年

十有九年夏晉里克荀息帥師會虞師滅夏陽僖公元年虢公敗戎於桑田晉卜偃曰虢必亡

矣亡夏陽不懼而又有功是天奪之鑑而益其疾也必易晉而不撫其民矣不可以五稔穀梁傳非國而言滅重夏陽也虞無師其曰師何也以其先晉不可以不言師也其先晉何也為主乎滅夏陽也夏陽者虞虢之塞邑也滅夏陽而虞虢舉矣虞之為主乎滅夏陽何也晉獻公欲伐虢荀息曰君何不以屈產之乘垂棘之璧而借道乎虞也公曰此晉國之寶也如受吾幣而不借吾道則如之何荀息曰此小國之所以事大國也彼不借吾道

必不敢受吾幣如受吾幣而借吾道則是吾取之中府而藏之外府取之中殿而置之外殿也公曰宮之奇存焉必不使受之也荀息曰宮之奇之爲人也達心而懦又少長於君達心則其言略懦則不能強諫少長於君則君輕之且夫玩好在耳目之前而患在一國之後此中知以上乃能慮之臣料虞君中知以下也公遂借道而伐虢宮之奇諫曰晉國之使者其辭卑而幣重必不便於虞虞公勿聽遂受其幣而借之道宮之奇諫曰唇亡則齒寒其斯之謂與挈其妻子以奔曹獻公亡虢五年而後舉虞荀息牽馬操璧而前曰璧則猶是也而馬齒加長矣

二十有二年冬十二月丙子朔晉滅虢虢公醜奔京師

信公五年

龔志按虞虢之虞乃泰伯仲雍之後是時周章已君吳復封周章弟於周之北故夏墟其地在河東太陽縣今爲山西平陸縣後漢地理志太陽有吳山上有虞城亦曰吳城正義曰處中國爲西吳後世謂之虞公是吳與虞通也晉獻公之時虢在陝縣晉欲伐虢道出太陽故來假道卒以滅虞史記謂之州北虞公是也

虢仲虢叔爲文王卿士勳在王室文王友愛二弟謂之二虢武王十三年封虢仲於故夏之墟宏農陝縣東南之虢城是爲西虢封虢叔於滎陽是爲東虢東虢檜爲鄭桓公

陝縣志

卷一

二

所滅在幽王之世入春秋則已無東虢矣左傳虢叔死焉此東虢也王貳於虢此西虢也孔穎達正義云春秋列國邾有小邾燕有南燕而虢直名之爲虢者於時東虢已滅故不復別之爲西也今汜水縣東十里有東虢城以東虢爲鄭滅時尙有西虢故別之爲東陝州靈寶縣治南有虢州城以虢爲鄭滅時止有一虢故不復別之爲西亦猶春秋之稱虢也

襄王二十有五年夏四月晉人及姜戎敗秦師於殽

二十有八年春秦伯穆公伐晉濟河焚舟取王官及郊晉人不出遂自茅津濟封殽尸而還

威烈王十三年晉河岸崩壅龍門至於砥柱

綱目大事記曰春秋後河患見於史傳者始此

安王三年虢山崩壅河

裴駟按地理志曰弘農陝縣故虢國北虢在太陽東虢在滎陽

顯王四十五年秦張儀伐魏取陝

慎靚王三年楚趙燕韓魏伐秦攻函谷關秦出兵迎之五國皆敗走

赧王十七年齊韓魏伐秦敗其軍於函谷秦割河東三城以和三國乃退

秦莊襄王三年秦伐魏魏公子無忌率五國之師敗之追至函谷而還

二世二年冬陳涉所遣周章等將西至戲

應邵曰戲弘農湖西界也

秦章邯擊破周章軍而走遂殺章

於曹陽晉灼曰亭名在弘農東十三里魏武帝改曰好陽

漢高帝二年正月漢王出關至陝撫關外父老還

孝武元光中河決河東守番係言漕從山東西歲百餘萬石更砥柱之艱敗亡甚多而煩費穿渠引汾溉皮氏汾陰下引河溉蒲坂下度可得五千頃故盡河堧棄地民芟牧其中耳今溉田之度可得穀二百萬石以上穀從渭上與關中無異而砥柱之東可毋復漕上以爲然

成帝鴻嘉四年楊焉言從河上下患砥柱隘可鑄廣之上從其言使焉鑄之裁沒水中不能去而令水益湍怒爲害甚於故

更始三年六月赤眉至恆農與更始諸將連戰克勝衆遂大集

光武建武二年二月遣驃騎大將軍景丹率征虜將軍祭遵等二將軍擊弘農賊破之赤眉延岑暴亂三輔郡縣大姓各擁兵衆大司徒鄧禹不能定乃遣馮異代禹討之車駕送至河南賜以乘輿七尺具劍敕異曰三輔遭王莽更始之亂重以赤眉延岑之酷元元塗炭無所依訴今之征伐非必略地屠城要在平定安集之耳諸將非不健鬪然好虜掠卿本能御吏士念自修敕無爲郡縣所苦異頓首受命引而西所至皆布威信弘農羣盜

陝縣志

卷一

三

稱將軍者十餘輩皆率衆降異

鄧禹引歸與馮異相遇要異共攻赤眉大爲所敗禹脫歸宜陽異棄馬步走上回谿阪與麾下數人歸營後堅壁收散卒萬人與賊約期會戰旦日縱兵大戰日昃賊衆驚潰大破於崤底帝璽書勞曰始雖垂翅回谿終能奮翼澠池可謂失之東隅收之桑榆同谿崤底詳見古蹟

二十九年宏農蝗 靈帝熹平四年六月宏農蝗

獻帝興平二年二月乙亥李傕殺樊稠而與郭汜相攻三月丙寅李傕脅帝幸其營焚宮室四月丁酉郭汜攻李傕矢及御前六月庚午張濟自陝來和傕汜七月甲子車駕東歸郭汜自爲車騎將軍楊定爲後將軍楊奉爲興義將軍董承爲安集將軍並侍送乘輿張濟爲驃騎將軍還屯陝八月甲辰幸新豐十月戊戌郭汜使其將伍習夜燒所幸學舍逼脅乘輿楊定楊奉與郭汜戰破之壬寅幸華陰露次道南是夜有赤氣貫紫宮張濟復反與李傕郭汜合十一月李傕郭汜等追乘輿戰於東澗王師敗績殺光祿勳鄧泉衛尉士孫瑞廷尉宣播獻帝春秋播作播大長秋苗祀步兵校尉魏桀侍中朱展射聲校尉沮儁壬申幸曹陽露次田中曹陽澗名在今陝州西南七里俗謂之七里澗楊奉董承引白波帥胡才李樂韓暹及匈奴左賢王去卑率師奉迎與李傕等戰破之十二月庚辰車駕乃進李傕等復來追戰王師大敗

殺略宮人少府田芬大司農張義等皆戰歿進幸陝夜渡河乙亥幸安邑
獻帝記曰初議者欲令天子浮河東下太尉楊彪曰臣宏農人從此已東有三十六灘非
萬乘所當從也劉艾曰臣前爲陝令知其危險有師猶有傾覆況今無師太尉謀是也乃
止及當北渡使李樂具船天子步行趨河岸岸高不得下董承等謀欲以馬羈相續以繫
帝腰時中宮僕伏德扶中宮一手持十匹絹乃取德絹連續爲輦行軍校尉尙宏多力令
宏居前負帝乃得下登船其餘不得渡者甚衆復遣船收諸不得渡者皆爭攀船船上人
以刀櫟斷其指舟中之指可掬

按獻帝步行趨河岸岸高不得下疑在今會興鎮上村間之崖下渡口

晉武帝太始十年鑿陝南山決河東注洛以通運漕

咸寧五年三月有星孛於柳占曰外臣陵主征吳之役三河兵悉出交戰於吳楚斬馘萬
計 八月庚子河南河東宏農雨雹兼傷秋稼三豆

太康元年四月河南河內河東魏郡宏農雨雹傷麥豆

二年五月庚寅宏農雨雹傷禾稼

惠帝永平三年六月宏農郡雨雹深三尺

陝縣志

卷一

四

懷帝永嘉二年漢劉聰等長驅至宜陽聰恃連勝不設備宏農太守桓延詐降夜襲聰軍
大敗而還

成帝咸康四年四月己巳太白晝見於柳

哀帝興寧三年慕容暉遣其太宰慕容恪攻拔洛陽略地至於崤澗苻堅懼其入關親屯
陝城以備之

孝武寧康十二年六月癸卯太白晝見在柳十四年己巳太白晝見於柳占將政事多弊
君道陵遲

太元十九年姚興率衆寇湖城晉宏農太守陶仲山華山太守董邁皆降於興遂如陝城
進寇上洛陷之

北元魏世祖太延元年詔書云嘉禾頻歲合秀於恒農

宋文帝元嘉二十七年冬閏月辛未雍州刺史隨王誕遣軍攻宏農城克之十一月甲午
又攻陝城克之

世宗景明三年六月恒農郡獻白雀

正始元年恒農郡崤縣木連理

四年八月恒農郡蝗蟲爲災

永平二年薛安都寇宏農冠軍將軍封禮率騎二千從涇津南渡赴宏農

肅宗熙平元年春正月荆沔都督元志大破蕭衍軍斬其恒農太守王世定等

通鑑梁武帝大通二年夏四月魏北海王元顥來奔冬十月帝以元顥爲魏王遣直閤將軍陳慶之將兵送之還北中大通三年五月顥入洛陽自河以南州郡多附之爾朱榮與顥相持於河上榮以無船可渡欲還北更圖後舉黃門郎楊侃曰今未有所成遽復引歸恐民情失望各懷去就不若徵發民材多爲桴筏間以舟楫使數百里中皆爲渡勢首尾既遠俾顥不知所防一旦得渡必立大功高道穆曰今乘輿飄蕩主憂臣辱大王擁百萬之衆若分兵造筏所在散渡指掌可克若舍之北歸使顥復得完聚徵兵天下所謂養虺成蛇悔無及矣時伏波將軍楊柵與其族居馬渚自言有小船數艘求爲鄉導榮命車騎將軍爾朱兆大都督賀拔勝縛材爲筏自馬渚西峽石夜渡襲擊顥子冠受擒之安豐王延明之衆聞之大潰顥帥數百騎南走至臨潁縣卒江豐斬之慶之軍士死散略盡間行還建康

按馬渚當在山西平陸縣東山內西峽石當在峽石之西砥柱之東如北山東莊諸村

陝縣志

卷一

五

落皆有小船私渡元顥以爲河道險阻失於防守故爾朱兆等潛師渡河襲破其軍兵法所謂出其不意攻其不備也

東魏孝靜帝天平四年二月神武以并肆汾建晉東雍南汾秦陝九州霜旱人饑流散請所在開倉賑給

興和二年夏五月己酉西魏行臺宮延和陝州刺史宮元慶率戶內屬置之河北馬場振廩各有差

武定元年三月勃海王高歡大敗西魏師於邙山追奔至宏農而還豫洛二州平

西魏文帝大統十六年秋七月安定公宇文泰東伐至恒農齊師不出乃還八月丁丑宇文泰率李弼等十二將東伐至潼關遣于謹先徇地至盤豆拔之獲東魏將高叔禮送於長安戊子至宏農攻之城潰禽東魏陝州刺史李徽伯虜其戰士八千守將高千走渡河命賀拔勝追禽之並送長安於是宜陽邵郡皆附 大軍至宏農守將皆已棄城西走所虜降卒在宏農者因相與閉門拒守進攻拔之誅其魁首數百人

周書

齊文宣帝天保元年十一月周文帝帥師至陝城分騎北渡至建州景寅齊主親戎出次東城周文帝見軍容嚴盛嘆曰高歡不死矣遂班師

周明帝二年宏農置陝州

武帝保定元年宏農上言九尾狐見

隋文帝開皇三年詔於陝虢等水次十三州置募運米丁又於陝州置常平倉
開皇三年遣倉部侍郎韋瓚向蒲陝以東募人能於洛陽運米四十石經砥柱之險達於
常平者免其征戍其後以渭水多沙流有深淺漕者苦之四年詔曰京邑所居五方輻湊
重關四塞水流艱難大河之流波瀾東注百川海濱萬里交通雖三門之下或有危慮若
發自小平陸運至陝還從河水入於渭川兼及上流控引汾晉舟車去來爲益殊廣而渭
川水力大小無常流淺沙深卽成阻閼計其途路數百而已動移氣序不能往復汎舟之
役人亦勞止朕君臨區寓興利除害公私之弊情實愍之故東發潼關西引渭水因藉人
力開通漕渠量事程功易可成就已令工匠巡歷渠道觀地理之宜審終久之義一得開
鑿萬代無毀可使官及私家方舟巨舫晨昏漕運沿泝不停旬日之功堪省億萬誠知時
當炎暑動致疲勤不有暫勞安能永逸宣告人庶知朕意焉於是命宇文愷率水工鑿渠
引渭水自大興城東至潼關三百餘里名曰廣通渠轉運通利關內賴之諸州水旱凶饑
之處亦便開倉賑給

陝縣志

卷一

六

十五年六月戊子詔鑿砥柱

煬帝大業七年冬十月乙卯砥柱山崩偃河逆流數十里占爲隋亡

恭帝義寧二年唐劉文靜取宏農

唐太宗貞觀十二年二月癸亥如河北縣陸卽平觀砥柱乙丑至陝州

十四年二月陝州河清

中宗景龍元年六月庚午雨土於陝州

明皇開元四年陝州大風拔木

天寶元年穿三門運渠

十四載十二月以榮王琬爲元帥高仙芝副之統諸軍東征仙芝以五萬人發京師遣宦
者邊令誠監其軍屯於陝

肅宗至德二載七月丁巳安慶緒將安武臣陷陝郡九月癸卯復京師慶緒奔於陝郡
廣平王領番漢之衆收西京走安守忠賊之死者積如山阜王師乘勝至陝郡賊懼令嚴
莊傾其驍勇而來拒廣平王遣副元帥郭子儀等與賊戰於陝西之曲沃大破之斬首十
餘萬嚴莊奔十月戊申郭子儀等進攻與賊戰於陝之新店城西二十里賊衆大敗斬

首十萬級橫屍三十里庚申安慶緒與其黨奔河南廣平王入陝城

乾元二年十二月史思明寇陝州神策兵馬使衛伯玉討破之

上元二年三月甲子史明子朝義率眾夜襲陝州衛伯玉逆擊破之於礪子嶺在菜園南縣東

今有礪子嶺村朝義數進兵皆為陝兵所敗史思明退屯永寧朝義宿於逆旅漫澗水北有逆旅亭謂之漫谷客舍

寶應元年上遣中使劉清譚使回紇修舊好且徵兵討史朝義回紇登里可汗起兵至三城見州縣皆為邱墟有輕唐之志乃困辱清譚遣使言狀京師大駭初肅宗以僕固懷恩女妻登里上令懷恩往見之為言唐家恩信不可負可汗悅自陝州太陽津渡河與諸道俱進制以雍王适為天下兵馬元帥會諸道節度及回紇於陝州進討史朝義上欲以郭子儀為适副程元振魚朝恩等沮之而止加僕固懷恩同平章事領諸軍節度行營以副适諸軍發陝州僕固懷恩與回紇為前鋒郭英又魚朝恩為殿李抱玉自河陽入李光弼自陳留入會於洛陽陳於橫水懷恩遣驍將及回紇並南山出賊柵東北表裏合擊大破之

代宗廣德元年十月庚午高暉引吐蕃犯京畿丙子車駕幸陝州十二月丁亥車駕發陝郡還京

陝縣志

卷一

七

大曆元年十二月周智光殺陝州監軍張志斌

十年二月陝州軍亂逐兵馬使趙令珍大掠庫物觀察使李國清不能制會淮西節度使李忠臣入朝過陝上命按之忠臣棘圍令軍士匿名投庫物一日獲

萬緡盡以給其從軍

七月庚辰太白辰星合於柳

德宗貞元元年秋七月陝號軍殺其節度使張勸詔以李泌為都防禦轉運使

二年三月李泌開運道成泌自集津至三門鑿山開運道十八里以避砥柱之險

三年正月淮西戍兵自鄜州歸過陝李泌邀擊斬之

先是關中倉廩竭禁軍或自脫巾呼於道曰拘吾於軍而不給糧罪人也上憂之甚會韓滉運米三萬斛至陝李泌奏之上喜謂太子曰吾父子得生矣

唐都長安常轉漕東南之粟初江淮漕租米至東都輸故嘉倉以車或駝陸運至陝而水行來遠多風波覆溺之患其失常十七八故其率一斛得八斗為成勞而陸運至陝纔三百里率兩斛計庸錢千民送租者皆有水流之直而河有三門砥柱之險顯慶元年苑西監褚朗議鑿三門山為梁可通陸運乃發六千鑿之功不成其後將作大匠楊務廉又鑿為棧以輓漕舟輓夫繫二鈇於胸而繩多絕輓夫輒墜死則以逃亡報因繫其父母妻子

人以爲苦開元十八年宣州刺使裴耀卿朝集京師玄宗訪以漕事耀卿條上便宜帝初不省二十一年耀卿爲京兆尹京師雨水穀踊貴帝將幸東都復問耀卿漕事耀卿因請罷陸運而置倉河口使江南漕舟至河口者輸粟於倉而去縣官雇舟以分入河洛置倉三門東西漕舟輸其東倉而陸運以入西倉復以舟漕以避三門之水險帝以爲然乃於河陰置河陰倉河西置柏崖倉三門東置集津倉西置鹽倉鑿山十八里以陸運自江淮漕者皆輸河陰倉自河陰西至太原倉謂之北運自太原倉浮渭以實關中拜耀卿爲黃門侍郎同中書門下平章事兼江淮都轉運使以鄭州刺史崔希逸河南少尹蕭炅爲副使益漕晉絳魏濮邢貝濟博之租輸諸倉轉而入渭凡三歲漕七百萬石省陸運傭錢三十萬緡二十九年陝郡太守李齊物鑿砥柱爲門以通漕開其山巔爲輓路燒石沃醯而鑿之然棄石入河激水益湍怒舟不能入新門候其水漲以人輓舟而上天子疑之遣宦者按視齊物厚賂使者還言便齊物入爲鴻臚卿以長安令韋堅代之兼水陸運使堅治漢隋運渠起關門抵長安通山東租賦乃絕灞滻並謂而東至永豐倉與渭合又於長樂坡瀕苑牆鑿潭於望春樓下以聚漕舟堅因使諸舟各揭其郡名陳其土地所產寶貨諸奇物於楸上先時民間唱俚歌曰得體紇那邪其後得寶符於桃林於是陝縣尉崔成甫

陝縣志

卷一

八

更得體歌爲得寶宏農野堅命舟人爲吳楚服大笠廣袖芒屨以歌之成甫又廣之爲歌辭十闋白衣缺後綠衣錦半臂紅抹額立一船爲號頭以唱集兩縣婦女百餘人鮮服倩粧鳴鼓吹笛以和之衆艘以次轉樓下天子望見大悅賜其潭名曰廣運潭廣德二年以劉晏領東都河南淮西江南東西轉運租庸鑄錢鹽鐵轉輸至上都晏卽鹽利雇傭分吏督之隨江汴河渭所宜故時轉運船繇潤州陸運至揚子斗米費錢十九晏命囊米而載一舟減錢十五繇揚州距河陰斗米費錢百二十晏爲歇艍支江船二千艘每船受千斛十船爲綱每綱三百人篙工五十人自揚州遣將部送至河陰上三門號上門填闕船米斗減錢九十調巴蜀襄漢麻枲竹篠爲絢挽舟以朽索腐材代薪物無棄者未十年人習河險江船不入汴汴船不入河河船不入渭江南之運積揚州汴河之運積河陰河船之運積渭口渭船之運積太倉歲轉粟百一十萬石無升斗溺者

汴宋節度使春夏遣官監汴水察盜灌漑者歲漕經砥柱覆者幾半河中有山號米堆運舟入三門雇平陸人爲門匠執標指揮一舟百日乃能上諺曰古無門匠墓謂皆溺死也陝虢觀察使李泌益鑿集津倉山西逕爲運道屬於三門倉治上路以回空車費錢五萬緡下路減半又爲入渭船方五板輪東渭橋太倉米至凡百三十萬石遂罷南路陸運

文宗開成八年正月陝州黃河清

懿宗咸通十年夏陝虢等州蝗

陝州觀察使崔蕤以器韻自矜不親政民訴旱蕤指庭前樹曰此尚有葉何旱之有杖之民怒逐蕤蕤走渴求飲民以溺與之

昭宗天佑元年正月朱全忠奉表請車駕都洛陽丁巳車駕發京師癸亥次陝州全忠迎謁於路

後唐愍帝應順元年二月庚寅鳳翔節度使潞王從珂反三月丙寅次靈寶河中安彥威陝州康思立皆降己巳次陝州康義誠叛降

宋太祖乾德元年夏四月詔疏鑿三門

五年陝州保平軍禾皆合穎

開寶元年六月彗出柳長四尺踰四旬而滅

太宗太平興國八年六月陝州河漲壞浮梁

淳化二年四月陝州河漲壞大堤及五龍祠

陝縣志

卷一

九

至道三年閏七月陝州河漲

眞宗景德三年春三月罷寇準知陝州初張詠在成都聞寇準入相謂僚屬曰寇公奇才惜學術不足耳及準知陝詠適自成都還準送之郊問曰何以教準詠徐曰霍光傳不可不讀也準莫諭其意歸取其傳讀之至不學無術笑曰此張公謂我也

八年陝州河清

大中祥符元年帝幸汾陰亳州所在改賜門名陝州曰霈澤惠民

三年十一月陝州黃河清 十二月陝州黃河再清

四年三月召陝州隱士魏野不至

神宗熙寧七年五月大雨水壞陝與平陸二縣

徽宗大觀二年十二月陝州河清

宣和元年三月陝州言牛生麒麟

高宗建炎元年夏四月鄜延副總管劉光世自陝州來會以光世爲五軍都提舉

二年三月石濠尉李彥仙舉兵復陝州十一月金人圍陝州守臣李彥仙拒戰卻之

三年春正月辛卯陝州都統邵興及金人戰於潼關敗之復虢州

四年春正月丁巳金婁宿陷陝州守臣李彥仙死之

紹興三年夏四月丁亥僞齊知虢州董震及其統制董先來歸以震權商虢陝州鎮撫使丙申僞齊李成攻陷虢 五月丙辰以董先爲商虢陝州鎮撫使

十年十一月丁未合喜犯陝州吳琦擊卻之

十一年九月乙丑邵隆復陝虢二州

金世宗大定元年十一月丁酉宋人破陝州防禦使折可直降同知防禦使李柔立死之紹興三十二年二月王彥遣兵救陝州遇敵於虢州東敗之

蒲察世傑大定初復取陝州敗宋兵於石濠鎮又敗援兵三千遂圍陝州宋兵二千自潼關來援引兵二百四十迎擊射殺十餘人兵乃走復敗之於土濠山生擒一將還至斗門城遇宋兵萬餘其將三人挺槍來刺世傑以刀斷之而退復以四謀克軍敗宋兵於土華敵見其環甲佩刀腰箭百隻持槍躍馬往來軍中嘆曰真神將也及再圍陝親選卒二百餘穴地以入拔其城再破宋軍三萬復虢州

大定十六年戊戌蓮開並頭於召公祠前沼內

宣宗貞祐四年十月庚申招射生獵戶練習武藝知山徑者分屯陝虢要地

陝縣志

卷一

十

元太祖十一年秋遣撒里知兀斛等帥師由西夏趨關中遂越潼關拔汝州等郡直抵汴京還至陝州適河冰合遂渡而北

元光二年十月辛卯詔石濠店澠池永寧縣各屯兵千人

哀帝天興初元兵入饒風移徙單兀典行省閩鄉以備潼關復詔入援與潼關總帥納合合閩秦藍總帥完顏重喜高平都尉苗秀振武都尉張翼及虎威鷹揚葭州劉趙二帥軍十一萬騎五千從虢入陝遣陝州觀察副使兼規措轉運抹然速也往運同華陝一帶軍糧行及靈寶北河夾灘義軍張信侯三集壯士三百餘保老幼立水柵壯將忽魯罕只攻之不能克遇速也船至卽降大兵乘之遂破侯張殺戮殆盡兀典發閩鄉庫藏拜天賞軍日造銀器及兵幕牌印有李生者諫曰方今大兵俱在河南河北空虛相公可出其不意先取衛州彼知我軍在北必分兵北渡京師卽得少寬相公入援亦易爲矣兀典大怒謂泄軍機遂斬之時陝州同知內族探春從行省征進兀典授以帥職聽招在城民充軍宣差趙三三名偉者亦以探春招募不二日得軍八百餘號破敵軍兀典忌偉得衆欲挾詐坑之完顏素蘭力諫乃止尋以偉權興寶軍節度使兼行元帥府事軍士各以老幼自隨遷避商賈倚仗兵力亦從之行婦女皆強娶之忽值大雪卽日劉趙兩帥叛去明日翼軍

叛元兵皆追及降之隨軍婦女棄擲幼稚哀號盈路軍至鐵嶺元軍從洛陽西過盧氏方燒廬舍焚積聚慮爲所據及守鐵嶺以斷歸路然已素日乏食困憊不支重喜先降斬於馬前鄭侗劫苗英不從殺之攜其首以降士卒從而大潰兀典合閭提數十騎走山間爲追騎所擒皆被殺

元世祖至元十年十二月省陝州虢略朱陽二縣入靈寶
仁宗延佑二十一年十一月黃河清凡七日

順帝至正十六年九月汝穎賊陷陝虢二州察罕帖木兒復陝虢二州襲敗賊兵於平陸十九年以八月鄉試河南舉人及避兵儒士不拘籍貫以河南有原額就陝州置貢院應試二十一年十一月黃河自平陸三門磧下至孟津五百里皆清凡七日

明太祖洪武元年三月徐達等攻河南府行省平章梁王阿魯溫請降乘勝進克陝州

二年大有斗米十錢七年冬十二月陝州人獻妖書斬之

憲宗成化三年大饑二十年大饑斗米三百錢道旁死者相枕藉

世宗嘉靖七年大饑八年蝗九年春大疫禾蝻十四年陝州召公祠並頭蓮復開

十六年八月彗星見於西南月餘始滅二十年三月天鼓鳴自東南起有聲如雷

陝縣志

卷一

十一

二十九年春大風發屋折木大饑三十年夏蝗飛蔽天秋蝻生大饑三十四年十二

月十二日夜陝靈閩地大震人畜壓死無算三十五年六月陝靈閩民訛黑眚爲祟皆

閉戶張燈擊金持刃以避之四十四年饑四十四年饑

穆宗隆慶三年地震四年陝州衛村社民穀秀雙穗約十餘畝五年二月陝州舊布

政分司燬越一日察院復燬時羊角山有火星廟皆云弗吉乃移於西南隅

神宗萬曆三年饑七年彗星見長丈餘十五年大饑人相食十六年隕霜殺禾大

饑大疫死亡枕藉親戚不相弔唁二十年饑二十三年天鼓鳴二十九年夏旱四十四五二

年陝靈閩蝗蝻蔽野傷禾稼殆盡

光宗泰昌元年庚申冬陝州黃河清自荆家灣至上村凡十五里

思宗崇禎五年秋陝州霖雨四十日霽雨二晝夜民屋傾壞大半黃河漲溢至上河頭街

河神廟沒六年十月天降青紅氣一股自西南霪雨彌月十一月壬子流寇自晉渡

澗十二月陷盧氏入陝境焚殺鄉村殆盡至乙亥襲城七年正月辛巳入城城樓祠

廟官舍民房俱爲灰燼閱縉紳巨族厚積蕩然無餘八年飛蝗蔽天冬十月辛卯

李自成陷陝州十一月老回回襲陷陝州李自成出朱陽關張獻忠久據靈寶闖王高

迎祥亦與合左良玉祖寬禦之靈寶不能支陝州陷 九年蝗 十年蝗 十一年八月
戊午流賊羅汝才等自陝州犯襄陽 是年秋陝靈闔盧飛蝗蔽天食禾殆盡即熟粒亦
食之 十二年夏陝靈闔盧蝻食麥 十三年夏陝靈闔盧旱蝗蝻生食禾殆盡斗米五
千錢人
食相冬無雪 十一月二十七日夜半山賊余少樓登城東南已陷半面鄉民胡應聘宋成
功楊忠起等奮勇爭先刺中賊首趕殺餘賊墜城外詰旦十字街祭神賞功賊造攻具圍
猶未解是夜生員孫朵秀糾合鄉勇突圍入援助官防守拒戰數日賊退解嚴 十四年
春倍饑民食榆皮草根
或食雁糞土塊父子兄弟夫婦相食亘古罕聞 夏又大疫存者百無一二 五
月麥大有 十五年地震 十六年癸未流寇由楚入秦蜂擁過陝彌月境內皆堡存者
大南關黃龍村原店城村餘悉沒五月命孫傳庭兼督河南四川軍務時李自成據有河
南湖北十餘郡自號新順王設官置戍營襄陽而居之將由內浙窺商雒盡發荆襄兵會
於汜水滎澤伐竹結筏人佩三葫蘆將謀渡河傳庭分兵防禦八月十日傳庭出師潼關
次於閿鄉二十一日師次陝州檄河南諸軍渡河進剿
清世祖順治元年五月八日天鼓鳴紅氣一股墜於西北 四年六月飛蝗蔽天 七年
春五色雲見 八年天鼓鳴 九年七月旱 十一年六月地震大有年

陝縣志

卷一

十二

聖祖康熙四年三月地震 十一年秋七月蝗 十五年夏六月地震 十八年秋霖雨
自八月初四日起至九月初十日止雪深數尺禾稼絕種房屋傾圮人多露宿 二十九
年飛蝗蔽天自東而西 三十年大饑 三十一年大疫死亡枕籍 六十年饑
憲宗雍正四年十二月初九日黃河清一月自陝州至虞
城綿五十里 是年大有
高宗乾隆四十四年大饑

仁宗嘉慶十八年大饑 十九年九月霖雨地大震傷人

宣宗道光七年二月地大震傷人 十八年蝗 二十三年黃河漲溢 二十七年大饑
穆宗同治元年春彗星見初射柳星三度後偏其分而滅 六月蝗 星隕 七月蝻
八月大疫 捻匪自東來入陝各村里多被燒燬大掠而去

德宗光緒三年旱無秋民饑 四年大旱夏無麥饑甚斗米白金五兩餘
人相食死亡過半 秋乃雨穀大熟

居民多鼠 五年夏田鼠傷麥山間有不得收穫者 六年虎狼為災傷人無虛日數年
不止 七年月月中有十字判月為四分八月天鼓鳴 八年四月日食既星見十一月
黃河暴漲 九年夏久雨傷麥 十月朔日食西方有紅氣五十餘日乃已 十二月彗
星見西方 十七日夜有大星隕於東北及地如轉滾狀 十年二月九日夜有星隕大

如斗四月白露傷麥八月大雷雨雹霽雨彌月 十一年四月地震六月河水大漲八月雷雹十月桐再花二十一日亂星隕 十二年正月朔日食 天雨豆似黑豆而小 三月五分長庚出東方雷雹五月亢旱六月十七日雷殛濠底河一人七月十一日亂星隕八月雨雹九月杏再花雨雹十二月天鼓鳴二十日地震 十三年四月大雷雨雹七月日有食之大疫八月黃河大漲九月雹兩次牛疫 十五年六月霽雨連綿至八月乃已屋宇多傾圮者 十六年歲穗 二十二年十月初四日令修鑿廣濟渠源依例派所在地石板溝村民夫行工渠懸山腹因破山鑽洞入其中開渠引水山以中空故自上而墜壓斃民夫張小卯等十一人受傷三人村民凡十八戶少壯男丁一時死亡殆盡以上搜集以下採訪 二十四年戊戌西藏喇嘛入覲過陝 二十六年庚子春旱棉花未種麥豆歉收入夏後乃雨秋禾安種秋亢旱秀而不實麥未種米價騰貴知州鹿瀛理請賑施放賴以救濟災浸較光緒三年稍遜人咸謂之小荒年 東樊村開豐備倉救荒村人免徙 二十七年辛丑二月十四日暴風驟起飛沙揚塵晝夜不息屋瓦爲落麥根斯拔第七區地勢高聳特爲尤甚 三月十六日下午雨雹大如鷄卵落地厚尺許傷麥殆盡四月十三日又雨雹夏無收秋禾大熟 九月九日慈禧太后及德宗皇帝由西安回鑾至陝州

陝縣志

卷一

十三

先是庚子拳匪排外八國聯軍入北京后及帝西狩至西安行在翌年賠款媾和至是回京師先數月卽命蹕路大臣黃履中相度驛路修理行宮於是徵集民夫凡境內東西孔道盡平治成坦途時值饑饉之後民不堪命黃履中稟請豫撫撥款發給工貲應工始形踴躍境內設行宮四處一石橋鎮一城內道署一磁鐘鎮一張茅鎮各鎮行宮牆壁以紅黃色塗之輝煌耀目門屏格扇都令雕刻極其精緻御榻用黃緞繡龍墩廁所皆以紅毡疊鋪御膳房所需一切器皿皆新置大廚房山珍海錯每味各歸一處專司兩宮至從官山積馬如雲屯沿途人民跪道左瞻謁有貢獻石榴梨果者帝賞給銀兩以銀牌頒賜耆老午間至石橋鎮稍憩卽東行宿城內次日東下夜宿張茅鎮至觀音堂宿周氏民宅是役也所過之處供張甚豐而餘物拋棄狼藉雖開支正款地方已不堪其擾某生有咏行宮七絕末二句云無限蒼生膏與血可憐祇博片時歡可以想見一般矣

二十八年壬寅秋半收雅片收穫特豐每兩價銅錢二百文吸食者愈多 斯歲補行庚子辛丑恩正併科本州獲售者一人曰薛勉

二十九年舉行癸卯正科科舉告終 斯年有革命黨人某潛入境內聯絡地方人士多有入所謂江湖會者秘密結合圖謀起事會員衣食冠履皆有符記語言亦有暗示一時

成爲運動聲勢頗大云卽響應革命次年春事聞懷慶鎮張奉命駐陝防勦逮捕所謂大哥二哥者數人按卽大小龍頭辛鳳河周炳章蘇學彬等死之事遂寢

三十一年先後奉禮部章改召南書院爲陝州中學堂及高等小學堂置堂長監督聘教員按鐘點上課鄉賢張坤郭維國姚鑿生薛勉等皆與其事陝縣有學校自此始

三十三年達賴喇嘛由西藏入覲道經陝州次年九月自京回藏來往皆由地方送迎居必帳幕不住房屋盤膝坐地不需桌椅每食以手代筯食畢手中垢膩卽塗抹於衣上食生羊肉飲奶子茶隨從俱騎駱駝肩上負鎗若馬隊然中有乘大馬帶耳環着黃緞馬褂紫緞皮袍主官騎白馬五官清秀服黃色衣服從者帶有藏紅花催生子青果等人競購之 斯年石橋鎮創立高初兩等小學堂於行宮次年卽停辦 東樊村創立初等小學堂於泰山廟聘教員二人教授成立五年由辛兆渭主辦之

宣統三年辛亥陝州設議事會參事會五路立議事會董事會爲民意機關民國後路改區爲清鄉局 九月朔日陝西革命軍起響應武昌居民習於承平遽聞戰事羣相驚惶一時風聲鶴唳互相逃徙未幾民軍馬樂羣克潼關十一日河南開陸軍及巡防營往禦一戰奪之大肆擄掠滿載而歸大失民望二十一日民軍重整旗鼓復克潼關陸軍星夜

陝縣志

卷一

十四

潰退至陝州南關兵士多賣銀器首飾及布帛貨物十月毅軍統領趙倜率步馬砲六營往取潼關民軍東路大都督張鈞以全力回攻走之趙軍以後援不繼十一月初一日退至靈寶復退至澗池民軍部將號神砲手王天縱者與大戰於陝東之衛店嶺陝州人趙連城募士百人從之直追而東知州岳廷楷隨軍東去民軍以靈寶人許公軾爲州官處衙署二十一日鎮嵩軍總司令劉鎮華部由硤石張茅中伏敗劉烈士純仁死之許亦走十二月初陸軍統領周福麟及趙軍西進駐兵於潼關知州岳廷楷仍回任理州事王占元駐軍陝州窺復山西嚴守河防兵差繁擾岳知州請由正款開支釐稅坐抵民免負擔尋清廷下令議和罷兵民國告成鄉民遠避山谷者始返里各安生業云

民國三年五月二十九日夜莘原暴雨爲災溺死男女三十餘人 十月陝縣第八區頭峪鎮駐防之鎮嵩軍有兵士三人夤夜私出帶引路民團團丁八人至第七區李村鎮意圖搶劫居民蘭五保家經駐鎮民團帶領段錦文團紳魏國藩張國翰盤詰並驗明公文該兵士等詞窮遁去衆認爲逃軍土匪追至澗屬之白阜鎮西圍之經陝澗兩屬民團千餘人合擊盡斃之事後該軍以打傷官兵論逮捕張國翰魏國藩段錦文郭萬邦蘭五保陳鼎茂等拘解洛陽道署道尹張基年畏威玩法遷延至八閱月經駐觀音堂毅軍營長

許得勝從中調停終將郭萬邦蘭五保陳鼎茂坐殺人抵命罪並出洋二千餘元始行結案鄉民含冤莫伸又受重大損失殊可浩嘆

四年四月初五日洛寧匪首任老二率匪搶第三區張汴搖底廟后等村拉票三十餘人八年八月初一日洛寧匪首衛老十率領夥匪入搖底村劫掠拉票十餘人

九年庚申直皖戰爭起皖軍敗奉軍許蘭洲入關軍隊來往皆駐陝並丁方二營俱由地方供給兵差浩繁觀音堂至陝車馬絡繹預征糧款自此始樊老二帶兵九營因收編駐境大肆派款始由地方平均負擔繼則向富戶勒借不堪其苦樊軍毫無紀律駐紮各機關及學校兵士取孔廟所藏張公和遺書八十餘大皮箱作爲枕藉之用天雨並按步排列書籍於院中以便行走書盡毀該軍長官見而不禁人民亦無敢言者陝縣文化損失

此爲最大 十一月十四日地大震 斯歲夏大旱民有逃徙外方就食者至八月雨降二麥播種民始稍稍返歸次年春青黃未接之際米珠薪桂民益饑餓

十年秋雨澤霑足歲大有棉花每畝有產籽棉四百觔者由德美種也

十一年六月二十四日夜著匪老洋人率萬餘人趨陝城陷之先是陝縣巡緝隊領官丁保成曾爲匪由豫西鎮守使丁香玲收編爲義子其部下多匪徒至是爲內應陝城失守

陝縣志

卷一

十五

是日午匪由雁翎關入抵菜園鎮縣知事王曾述聞息令民守城夜半匪入城先破獄劫庫大肆擄掠人馬擁擠街巷爲滿無家不至人民號哭之聲不絕知事到任僅月餘易服隱匿鎮守使赴汝剿匪鎮署劫掠一空兵差局人員被匪搜獲僞稱中學教員匪索金勒贖一時囊無資財且借貸無門匪意未遂大加毆打遍身傷腫匪去復逃匿城內富紳楊菁挺被擄至汝州死之其子楊學詩憂悸死凡被擄及死者數百人損失以億計爲闖賊後第一浩劫匪於次日晚始完全出城西行搶掠夜宿大營鎮殺人放火狀極慘酷二十六日早遂西向靈寶匪多着婦女衣形形色狀如鬼魔掠得寶貴器物卽拋棄粗笨者衣物狼藉道爲之塞當老洋人大桿之陷陝城也一股由菜園截南原至張汴原而下分入原店五原等村急趨靈寶故沿途損失尙小惟城內及大營溫塘等處受害最鉅咸以六月二十五日爲紀念云

按老洋人原名張慶身細長毛鬚拳曲形似外國人故綽號老洋人 七月初十日夜洛寧匪首鄭復禮率股匪二百餘人越雁翎關入第五區莘野原東樊村南陽村一帶焚燒擄掠天明遁去東樊村被燒燬房屋六十間拉人三十五口至半途擊斃者有辛昇魁等三人由山中奔逃者十一人出資贖回者九人無蹤者十二人拉去牲口六十二頭在南陽村焚燒水鵬昇水志持廈房各五間拉去男女老幼九十餘口立時擊斃者三人死於山中者

六人出資贖回者十一人共出款四千五百五十元款出殞命者三人拉走牲口一百三十五頭 九月二十日夜洛寧著匪衛鳳岐率領黨羽千三百餘人由第八區入第四區張茅鎮大肆搶掠搜劫張茅車站二萬餘元擄去男女二十三人仍由原路逃竄 十二年九月二十四日洛寧匪首鄭福成率領匪徒由橐山突出到第五區之過村中莊一帶搶掠拉去男女肉票楊生杰等七十餘人牽走牲口一百三十六頭當場擊斃趙天心等四人嗣後出資贖回者有郝修潔等六十六人贖款共約一萬二千餘元至山未贖而殞命者有楊庚申等三人

十三年十二月十四日夜股匪數百人自東南山中入第五區莘野原之東樊村小北陽村搶掠計在東樊村拉票八十餘人牲口五十餘頭當場擊斃辛銘經等三人在小北陽村拉去男女二十三人牲口五十餘頭當場擊斃秦熙岐等三人嗣後贖回男票八人女票四人奔逃者三人 斯歲冬直奉戰起直軍敗潰吳佩孚退守洛陽三十五師師長憨玉琨出師潼關駐兵陝縣向洛進發窺伺汴梁在陝招納收編擴充勢力縣人勇於進取者多自行買馬招兵一時民間養馬搜羅殆盡城內及南關團營連部駐紮殆遍地方支應兵差日不可以數計卒被該師長繳收赤手空歸徒使地方受重大損失云

陝縣志

卷一

十六

十四年春憨玉琨據洛陽與省督胡笠僧相持車馬糧秣取給後防地方支應不暇曰令委員四出搜刮民困益甚二月憨軍敗二十七日晨胡軍西追至陝縣大兵臨境以搜敵人槍械爲名挨戶抽查槍聲亂發越日事定地方仍舊支應云 是年洛寧著匪鄭福禮甯老七甯田生乘胡憨戰爭盤踞第三區之張汴原日肆搶掠二月初十日搶五原村十三日搶第六區之張家灣十拜王村十六日搶溫塘殺人放火燒死成鳳岐全家十一口獨鳳岐出險二十六日黎明鄭福禮等率匪百餘名直撲原店如入無人之境詎該村人民預有團結及匪至合力抵抗互有死傷匪以彈絕不敢戀戰遂奔回張汴原民團從而尾追五六里匪由是知懼不敢下原 先是憨軍敗退團長程秀明經過原店入村搶掠該地民團十餘人出而擊走故鄭匪之來老幼皆敢擊賊鄰村如溫塘大營黃村聞風團結各能禦賊較之以前持不抵抗主義稍能自衛焉 夏季國民三軍總司令孫岳全軍開赴陝西過境時天氣炎暑設兵站於第三區大營鎮派諮議二人常川住站照料一切差款總由里派而該軍紀律極好紳首接待尙不苛擾民樹石以頌德焉 九月鄭福禮等又盤踞石城原一帶四出搶掠但不敢越峪裏嶺一步畏民團之強勁敢戰也嗣鄭匪爲國民二軍團長潘占魁收撫乃去 靈寶著匪曲三省受潘占魁收編駐紮罐頭村日

肆剽掠毫無顧忌人民以其爲官匪亦不敢抗禦不獨靈民受無窮之害而患及鄰封十一月初間曲三省派馬隊二十餘人來陝官莊村捕人該村居民紛紛逃避附近鄰村亦聞風遠匿城村禹王廟下老幼婦女藏匿遍地該匪馳馬追逐開槍轟擊死亡十餘人甚矣收匪之害也 是年有自魯省來者傳播紅教名紅槍會又名紅學地方向有白水符者名曰白學聲言習其技者可避刀槍一時傳播甚盛愚民以爲拒匪乏術多從風而靡近山地方尤紛紛設立練習法術嗣紅白二教兩不相睦遂成對峙互以妖邪相責誚因在第八區韓川村對壘劇戰互有殺傷十二月第三區溫塘村紅槍會聚衆劫奪國民第二軍輜重車輛獲手槍百餘枝掩護軍人拋棄輜重返而東奔紅槍會各持刀槍趕追軍隊槍擊無效益恐惶力奔至石橋鎮殺斃軍隊數名而該會益無忌憚矣是月二十二日南原紅槍會百餘人夜赴會興鎮謀劫駐軍槍枝軍隊起而對打巷戰徹宵黎明紅槍會勢不支敗去城內派馬步隊往援搜捕附近居民指爲紅槍會嚴刑拷掠重賄勒贖損失甚鉅嗣縣署派邑紳張均等赴川原一帶曉諭人民地方暫無事

十五年正月初六日國民第二軍旅長康振邦駐防陝城派軍一團往屠溫塘後防駐紮新店石橋鎮搜掠無遺兵至溫塘紅槍會對打不支越山而奔軍隊逢人便殺焚燒房屋

陝縣志

卷一

十七

二百餘間計擊斃村民老幼三十餘人均係良民不肯逃避竟罹慘死之禍悲夫 初九日鎮嵩軍梅發魁率兵自西來駐紮第三區之五原與大營駐防之二軍康旅對峙間有小接觸其內容未能明悉 十八日國民二軍田玉潔馮子明李雲龍等軍自汴洛退回南原紅會邀擊於磨山之麓大戰移時地方數人死軍隊夜宿黃村原店一帶由人民供給不堪其擾次晨鎮嵩軍據南嶺備戰二軍自下對擊雙方各有死傷後鎮嵩軍不能支退去二軍爲歸陝計遂向西進發 二十八日國民二軍田玉潔等在靈寶函谷關與鎮嵩軍對擊潰敗欲繞朱陽關小道歸陝西至虢略鎮一帶又被鎮嵩軍截擊不能前退駐五原村越三日該軍潰返陝縣劉雪亞督大軍追至天晚停進第三區之南面村莊駐紮殆徧幸一宿卽去 二十九日鎮嵩軍數路入城俘虜甚夥爭奪槍炮二軍北渡黃河不得多由河南岸赤手西奔狀極狼狽鎮嵩軍旣勝大部西進陝縣爲後防重地供給餉餼是年夏卽預征十七年地丁兵差款按畝攤派層出不窮各渡口市鎮分卡抽稅惟秩序尙鎮靜耳 六月紅白兩教互戰於觀音堂東之火石山當有駐防堂鎮之鎮嵩軍團長張金桂派兵彈壓詎紅會猶加反抗駐軍乃開槍轟擊該會法術無靈被擊斃者數百人從此無形消滅矣愚民無知迷誤至此可慨也 冬十一月中旬鎮嵩軍攻陝西省城不

克聞西北軍東進遽爾退卻劉雪亞駐陝縣招集各部重整旗鼓餉餽仍由地方負擔民不聊生 是月朔杆首孫半脚帥匪入西過村曲村曹村拉票三十餘人受傷者十人十二月洛寧土匪張明昇楊老四率領夥匪搶掠第七區之王彥上斷寬坪等村拉去男女百餘人擊斃二十餘人其無資贖回之男女均死於山中

十六年正月初十日鎮嵩軍阮旅駐紮第三區旋去二月該軍第六師全師分駐大營五原原店溫塘城村黃村石橋鎮各村師長何夢庚駐大營鎮搜刮已甚第三區保衛團總呂兆熊助爲羅掘區民叫苦概莫之恤三月下旬國民第一軍西來何始東竄人民方解倒懸該師東去知民共憤將呂兆熊隨軍押帶越數月脫歸驚懼斃命 四月國民第一軍駐紮陝縣分兵駐大營鎮雖糧秣仍由人民供給而軍隊極有紀律 五月國民軍徵新兵各區出價僱人每名約百元左右 六月派公債人民當喪亂之餘十室九空直接間接重加負擔困苦益甚 八月二十六日杆首馮致中率匪百餘入曹村劉寺拉票五十餘人受傷者二十餘人 是年秋冬伏莽遍地第四五七八區始多土匪謀財害命日有所聞第四區蘇知學一家燒死五口蘇生財蘇連塘蘇方塘皆被匪勒贖鉅款斃命其他被匪害者甚夥蔓延數年爲地方黑暗時代

陝縣志

卷一

十八

十七年夏匪勢猖獗嘯聚負隅黨羽數千人澠池縣城被破一股竄至陝縣熊耳山南匪首牛得山孫耀光等沿途擄掠第七區之上渠王彥上斷河窰等地受創尤鉅後牛匪由莘原掠過至第八區宮前駐紮第五區被災更甚 天氣亢旱秋禾歉收麥未安種民大饑縣長劉國禎於城內東火神廟設粥廠救濟時伏莽四起劉公以兼副執法官威權密捕渠魁數十人梟首示衆匪始斂迹倚近南山一帶向爲路斷人稀之域值此荒年竟敢行人未幾劉公去職老幼婦孺羣集縣署門首哀泣挽留公陽允其請衆始散乃密行至今人歌去思焉

十八年三月杆匪楊德廉擴張村人民自衛團槍械四十餘枝擊斃團勇十餘人四月該匪復駐紮三坡頭派款拉票民不堪其苦 春季災象已成山東金萬字會汪波止來陝放賑先後於南關大營鎮會興鎮人馬寨張茅鎮等處各設立粥廠全活無算 夏國民軍西退至陝鄉村皆駐兵 七月十日杆匪李其芳率衆數百人盤踞王家坡頭村近山一帶居民羣相逃匿至前後關上斯夜匪潛蹤至關上拉去人畜無算次夜匪又潛至營前村搶掠適國民軍亦於是夜駐紮人馬寨黎明匪至辛莊村搜掠軍隊乘其不備四面環包生擒悍匪十三名押解人馬寨梟首一方居民歡呼稱快 八月著匪董彥榮孫班

角等以收服爲名盤踞南山張村原一帶大肆派款送繳稍遲卽行擄掠或繫馬尾而行冬國民軍東進敗潰吉鴻昌龐炳勳大軍駐陝日四出搜糧時值大雪深尺許天氣嚴寒該軍大拆廟宇官房充作柴薪故城關及附近一帶各大廟宇齊行拆毀軍士住民房奪民食焚燒器俱什物民有餓死者吉鴻昌軍士來自寧夏皆頭帶長毛皮冠人民見輒畏避謂之毛毛隊 十月匪首董彥榮復率人至第五區刁家村南陽村劫掠 十一月著匪王世英盤踞靈寶之老君原密遣匪徒當晝混入第三區之大營寨至夜作內應股匪直入橫肆搶掠拉票三十餘人 十二月五日匪首孫班角率領匪徒五十餘人駐紮溝南村十餘日村民逃亡一空時駐紮菜園鎮之某軍民間稱爲南軍乘匪不備追至大坡腦一帶及兵退匪還復入溝南村大肆焚掠而去

十九年春縣長王子立倡議興修南關澗河橋樑以工代賑預備石沙木椿疏濬河身需款兩萬餘元毫無功效 六月陝縣收編之開荒隊長董彥榮與洛甯土匪勾結夜率匪徒潛至張村奪民團槍幸民團偵知預伏廟坡村寨柵迨匪至知中計狼狽而竄伏兵突出截擊辛莊村民團又出堵擊斃匪徒數十人 秋蝗蝻生食禾殆盡縣政府令民捕捉出款購買更奇異者爲豆蟲粗如指長數寸遍地皆是名爲食豆其他禾苗無不波及

陝縣志

卷一

十九

八月二十七日在縣政府舉行縣政會議從新組織陝縣賑務委員會於九月間成立十一月二十七日奉令改組爲陝縣賑務分會由縣政府聘請委員五人負責辦理 先是十月十三日縣長王子立因馮玉祥軍敗退隨軍逃走一時縣政無人主持地方紳士會同各機關組織臨時維持治安委員會公推曲完善宋國良馬丙炎段得壽張世傑爲常務委員旋於十六日縣長也叔平到任始解散

二十年春二月二十日省賑務會撥發急賑洋三千元派董天璵來縣施放又賜棉衣七百套分給各區災民 三月無錫紅卍字會溥仁慈善會公濟社三團體派過子怡華博臣李世德及曾在縣施賑之何維周來縣調查災情先由申匯來賑洋壹萬元在縣境南關設立粥廠一處無錫各慈善團派施襄臣惠子剛攜款增加縣南關粥廠小米一百九十五包並陸續施洋三百餘元此外七區觀音堂二區會興鎮四區張茅鎮五區菜園鎮復以萬五千元就近購買小米分設粥廠四處省賑務會又派魏振鐸來縣辦理平糶五月設立移民招待處移送災民赴東三省就食由張景純宋亞民主辦其事 縣長張簡生以縣南山荒地甚多組織開荒大隊實行開墾並親臨勘驗斯年歲收較稔民團漸次成立土匪斂迹人民往山開荒者頗衆所墾荒地亦甚多

二十一年奉令改專員制劃豫西爲第十一區專員駐陝兼管靈閩盧雒新澗六縣冬十一月專員兼縣長汪琦蒞任

二十二年五月汪琦以事撤差繼任者爲李炳榮湖南長沙人 七月二十二日夜盜殺第一區長王彥卿於城內西巷寓所先是縣南近山一帶土匪蠶起而縣治附近尙稱寧謐至是竟入城內暗殺區長逍遙遠颺一時軍警不能緝獲僉以政府無保障能力人人自危 八月一日專員兼縣長歐陽珍蒞任伊始卽以剿匪安民爲任風聲所播人民各自思奮虛驚鎮定時各區民團初改爲保安隊有尾大不掉之勢且魚肉鄉民橫行不法歐公依次調集城廂訓練加以編制使各就範共編爲三中隊使兵力集中指揮悉入正軌其有不服調遣者立取消其番號解散其部衆時盤踞觀音堂數年根深蒂固之陳順山等頑梗不化適值察哈爾事變起閩省再變風激雲騰有陰受僞府命令密派黨羽四出活動 八月三日陳順山與高仰山兩匪部在第五區交關保安分隊長水懷義陣亡時南關鬧市益晉銀號仁義隆京貨莊先後被搶由縣城至車站之澗河大道路絕行人沿鐵道旁公行打劫各區保之呈報殺人越貨日必數起歐陽公請兵協剿安定鄉村始則通緝高仰山張希聖等以殺匪勢繼則擊破匪首根據地之陳營白阜跟蹤緝獲僞軍

陝縣志

卷一

二十

師長陳順山謝會三聶崇標等呈解綬靖公署正法尋將洛甯匪徒拉去本縣多年之肉票追回婦兒馬劉氏孫官本等二十一名給原夫親父具領數月之間閭閻安堵市廛不驚行旅往來交通無阻誠二十年來未有之氣象也 是年冬縣政府籌備建築南門外澗河橋組織建築委員會積極籌款待時興修 又成立清查田畝整理田賦委員會經時四月始告完竣計共九萬八千八百八十餘畝

二十三年元月實行自封投櫃取消長催里書劈頭等名目以免中飽民甚便之 二月山東股匪劉桂堂自塞北叛變率其醜類數千兼程南竄聲勢浩大初至濟源河岸之毛田附近企圖在新安縣屬之狂口偷渡歐公派主任參謀凌悲潮馳往鹽倉狂口關家利津白浪尖坪曲禮三門茅津各重要渡口查勘地勢縝密佈置並常川屯駐重兵嚴陣以待且將河內船隻一律勒泊南岸所有河水結冰之處悉予打破以杜其南竄之路匪由狂口偷渡經守備團隊猛烈截擊匪未得逞遂向下游逃竄十二日由孟津縣屬之小浪底張行渡河復西竄至馬屯洪水一帶時新安團隊千餘名協同保安第三團在官水磨附近預防劉匪於十三日正午以千餘騎爲前鋒向新安猛竄與我由狂口開回之團隊遭遇劇戰三小時匪由西南向澗池逃竄南抵楊河附近被我駐仁村之團隊迎頭痛擊

劇戰二小時匪勢不支而我後續團隊亦於是時趕到匪遂越鐵路南竄是設計斃匪百餘名奪獲馬數十匹我方亦陣亡隊長賈得榮一員傷數名匪竄過鐵道後即狼狽向宜陽洛寧逃竄洛寧縣長秦碩於匪未至棄城而逃城遂陷十八日劉匪以我追擊部隊在後猛追遂率殘匪北竄經本縣第八區之頭峪宮前及第五區之雁翎關六區之張村三區之張汴等處向靈寶西竄沿途擄掠所過村落損失甚鉅云

按劉匪之渡河南竄馬隊極多聲勢浩大旬日之間竄擾六縣本縣人民惶恐異常賴專員調遣團隊用力追剿匪僅由南山之麓沿行西竄未敢北來縣城因以無恐迨竄至盧氏縣城圍攻又大受創擊傷亡匪徒四百餘名內有偽師長劉居仁偽團長陳福秀及偽參謀長營連排長等數十名重傷五百餘名匪遂狼狽而竄地方亦旋即救平足見往日肅清伏匪之效而亦見團隊之訓練與能力也

是年春建築區公共體育場就陝縣體育場址擴大範圍平治坑坎斬然一新共二百餘公畝東西直徑達一百五十公尺南北直徑計九十公尺四週建築看臺佈置各項運動器具 四月十六日全縣各界在城內西火神廟追悼故第一區長王彥卿即日殯葬自王彥卿被刺後七日歐陽專員到任緝獲兇手捕治羣盜半年之間境內寧謐至是開會

陝縣志

卷一

二十一

追悼專員送輓聯云遲來七天竟使英賢被狙令人懷恨倏逾半載纔將兇惡伏誅爲君雪冤實寫其事人咸爲之感泣 五月一日開第一屆全區運動大會在本縣之區公共體育場舉行選手及觀衆二萬餘人 八月一日爲歐陽專員蒞任第一週年紀念召開大會各轄縣縣長參事各區區長齊集極爲隆重

二十四年春天氣亢旱二麥豌豆均薄收棉花至四月底始安種人心甚爲恐慌 夏五月十日在縣十一區公共體育場舉行第二屆全區運動大會及國語演說競賽會陝靈閩盧洛新澗七縣選手俱來參加結果陝縣奪獲總錦標 八月一日爲歐陽專員蒞任二週年紀念又南門外澗河橋工竣舉行落成典禮斯日演劇兩臺專員召集各區耆老四百餘人來縣參觀在師範學校大禮堂設筵招待無不感激澗河橋梁屢經興修迄未成功至是臥波如虹雖山水驟漲不礙交通北門轉運商貨由城內直行誠前途發達之機也 斯日成立縣志局開始編纂 中秋節前後大雨如注日夜連綿河水暴漲澗河橋兩端堤堰沖刷巨口而橋足無損愈見新建工程之可恃第六區之陳村趙村沖毀廬舍十八處第五區之莘原沖毀房舍亦多 冬十月辦理土地陳報開始編查先經區保查報再由業戶陳報統計全縣地爲八千餘頃 實行改區設署以前八區併爲五區舊

第一二區併爲第一區舊三區改爲二區舊六區改爲三區舊五八兩區併爲四區舊四七兩區併爲五區區公所改爲區署除第一區長由警佐兼任餘均由省區長訓練班畢業學員充任之每區人員經費較前亦復增加 秋禾亦歉收棉花因播種過晚又少雨量種後閱月始出全苗八九月間霪雨連綿棉花遲開質料甚窳每畝僅收籽花三四十斤

按斯年播種棉花雖云愆期（小滿後種）使中間不發生旱潦收穫尚可豐盈農人有早穀晚花收了莫誇之諺語特誌之以備考究焉

各地農村合作社貸款無力還償且辦理土地陳報愚民無知多所惑疑致土地買賣停滯多有賣兒女鬻牲粟剝肉以補瘡者穀價騰踊麥斗四元民大饑 臘殘天氣尚熱桃李再花杏結實

二十五年元旦新生活大禮堂建築完成舉行落成典禮並演新舊劇三日大禮堂建築於城內北街西邊純以鐵筋洋灰造成高大奇巧爲本縣未有之偉大建築四方之來觀者肩摩轂擊爭思先覩爲快 入二月後多風陰霾苦霜奇寒過於三冬傷麥 三月陝縣修築碉堡十七處由秦龍灣曲沃鎮黃村直至南山一路建築磚碉五座土碉十座鷄

陝縣志

卷一

二十二

足山上建築磚碉兩座由全縣捐助工料閱兩月落成 六月十二日開第二屆全區運動大會陝靈閩盧洛澠新七縣選手均參加結果陝縣仍獲總錦標 夏麥歉收三伏無雨棉禾枯槁伏盡始雨穀與棉又減收 秋冬無雨麥未安種米珠薪桂嗷嗷待賑

甯元善大荒私記附

予讀史至大飢人相食處未嘗不掩卷太息及閱州志明崇禎十一年以至十四年景象尤感深桑梓慨然嘆想於先人當日處此之難也鄉談之蓋茲土之無大患久矣丁丑戊寅亦猶聽談虎者之未曾傷終不神色懼至誠畏之蓋茲土之無大患久矣丁丑戊寅之飢誠二百年來所未有予不幸適當厄運既無濟時之才復乏活人之賞乃至親近族黨不能相保尚寐無覺此其時矣僥倖一生獨何爲哉因取荒中所見聞以意分二十三条隨筆錄爲大荒私記冀以傳世信後理不暇擇語不暇詳要之有耳目及之而遺漏者未有不及而增加者也有筆力冗澀而形容不盡者未之有也後之人披覽斯記知時事之變有如此而一二仁人君子復有世道人心之感則於感應之故預備之方措置之宜皆以心得之此予之志也

先是亥子連歲缺雨歉收者屢是年正月大西風八日二月苦霜殺傷麥苗以至三月初復無時雨民以夏秋俱失望而時已艱食遂騷動哄譟不能安靖得雨粗定然西北沿河兩路地卑尤旱之麥無顆粒東南秀而實者止二三分自是不雨至八月則舉頭赤日極目赤地萬戶炎炎在火光中過而災以成

山西報地界第二處河東三十六州縣與州接壤者尤焦苦陝西四十餘處上河南亦四五

八月中道梗第三處南北東西俱不下千餘里逃不易達糴不能致是以大困

札飭開通坊集市糧道不通鄉村效尤婦女老少攔當索討者動以百數車至不能行惡

少乘隙率搶之須叟一而盡無如何也又塵土深至數尺坑坎高下不可辨苦不堪言十一月大風揚雪四石山一帶凍滑傷牛畜無算以是牛車希矣
八月盜無賴少年糾眾放搶飢民不結黨成羣動以百數明火執兵殺人燬器所入之家一空或則視爲攔路劫奪阻隘甲長兇員亦有獨行之者延至遠近春二月終度無所獲乃已虛
日官法第五營生雖判甲生員亦爲之延來春二月終度無所獲乃已虛
始州司頗不樂搶案失報至衙知無利輒苦之或竟拘攔恣行勒索有寧屈死
不司或語比獲命不過懲也後除盜之法差役四出捉拿首賊不物免囊以去或受
盜則甚或立爲斃命所牽直其所親在冊不富戶故未盡納至十數人後乃飯出
賑事免捐者率總盜分及所親在冊不富戶故未盡納至十數人後乃飯出
火千比數日則罄家不足發遣此輩矣凡小州司行不富戶故未盡納至十數人後乃飯出
民以盜故則結保守門巡更比不直於官乃爲私創便宜之法犯則縛而投之懸
崖深或以嫌微欠毆撲拉打速以斃然無聊至此人命輕而法重矣
者並小嫌欠毆撲拉打速以斃然無聊至此人命輕而法重矣
親故連屬第七過之厚者相待不以飲相問不及握麵爲幸亦跟去之懼至落崖
縊門之類死則裹之或竟棄之則一湯一握麵爲幸亦跟去之懼至落崖
第一粟販第八之席或曳棄之則一湯一握麵爲幸亦跟去之懼至落崖
多寡予則次牛馬不取次值麻柿菜之類口道成羣而往主者執杖怒詈牛驅之下
而已予則次牛馬不取次值麻柿菜之類口道成羣而往主者執杖怒詈牛驅之下
而多寡予則次牛馬不取次值麻柿菜之類口道成羣而往主者執杖怒詈牛驅之下
粒九成十月穀價第九初以六錢十一羊臘月八十開正暴長至四月初乃入至百五六十騰蓋牛
皮膏斤至五十餘錢

陝縣志

卷一

糠糶之民食第十餘錢
遺粒多則撮之去崩亦生嚼咽之賣食物者前得俯掇柿核柿蒂棗核等於客商手
口之餘者咬之崩然
偷狗氣類傷第十崩然
惡臭外達更宰馬而頑忍者竟食人餓癡從之外暴無完屍內貯有餘肉煮腦炊骨
近村不獨往殺生人敢行凍殺之撲人也則有血未有人以是親鄰不輕入
其初以死獨慘如第二敢行凍殺之撲人也則有血未有人以是親鄰不輕入
深谷井曠野如減口於死處哭不拉之酸人耳擊婦者更有絕或行或立者
而或坐而待斃或依死起葬者行坐相踐無所驚然一鬼世矣流離在限
溝壑相堆席相倚死無所怪行坐相踐無所驚然一鬼世矣流離在限
之輩疫率屍他無還者寢無所怪行坐相踐無所驚然一鬼世矣流離在限
其地自靜以漸至分班點自癩腫以形手足腰腿重擊先後大死切生各瘡
溫涼異悶腹膨骨軀抵較餓死之數二戶三云傭子餓夫輕重先後大死切生各瘡
痿頭痛之悶腹膨骨軀抵較餓死之數二戶三云傭子餓夫輕重先後大死切生各瘡
同異之少腹膨骨軀抵較餓死之數二戶三云傭子餓夫輕重先後大死切生各瘡
房貨之難者抵較餓死之數二戶三云傭子餓夫輕重先後大死切生各瘡
是磁瓦鐵木之類柴買市斤數之大三云傭子餓夫輕重先後大死切生各瘡
至是磁瓦鐵木之類柴買市斤數之大三云傭子餓夫輕重先後大死切生各瘡
百平富院變餘粟幾何益以親隣之掛牽頑惡之訛哄官府之誅求開正後率已竭而
數歉之富院變餘粟幾何益以親隣之掛牽頑惡之訛哄官府之誅求開正後率已竭而

